

বিজ্ঞান প্রজন্ম

সংবাদ শিরোনাম

আগের সংবাদ

পরের সংবাদ

একুশে বইমেলায় বিজ্ঞানের বই

জাবেদ সুলতান পিয়াস

সব ধরনের পাঠক তাকিয়ে থাকেন একুশে বইমেলায় দিকে, তাঁর পছন্দের বিষয়ে আরেকটি বই আসবে বলে। বিভিন্ন ধরনের বইয়ের সমাহার হয় দেশের সর্ববৃহৎ এ বইমেলায়। সুভাবতই বিজ্ঞানের বইয়ের পাঠকেরাও বইমেলায় আসেন তাঁর প্রত্যাশিত বইয়ের খোঁজে। এবারের একুশে বইমেলায় যারা বিজ্ঞানের বইয়ের খোঁজে গেছেন তাঁদের হতাশ হতে হবে না। এবারও অনেক বই বের হয়েছে বিজ্ঞানের। এ প্রসঙ্গে প্রকাশনা প্রতিষ্ঠান সাহিত্যমালার পরিচালক উজ্জ্বল কুমার দাশ বলেন, অন্যবারের তুলনায় এবার বিজ্ঞানের বই বেশি বের হচ্ছে। তবে বেশির ভাগই ছোটদের জন্য লেখা বই। আসলে ছোটরাই বিজ্ঞানের বইয়ের প্রধান ক্রেতা। বিভিন্ন বিজ্ঞান প্রকল্প ও ব্যবহারিক বিজ্ঞানের বইয়ে তাদের আগ্রহ বেশি। সাহিত্যমালা থেকে প্রকাশিত বিজ্ঞানের বইয়ের মধ্যে আছে ঘরে বসেই বিজ্ঞানী, আবিষ্কার ও আবিষ্কারের গল্প, বিজ্ঞানের স্লোগান বিজয়, ২০০ বছরের শ্রেষ্ঠ আবিষ্কার ও আবিষ্কারক, ছোটদের জ্ঞান অভিধান ইত্যাদি। ছোটদের জন্য বিজ্ঞানের কয়েকটি নতুন বইয়ের মধ্যে ঐতিহ্য থেকে বেরিয়েছে জহুরুল আল সিদ্দিকীর লেখা ছোটদের মহাকাশের রূপরহস্য। এবারের বইমেলায় বেরিয়েছে লেখক তপন চক্রবর্তীর ১০টি বিজ্ঞানের বইয়ের সংকলন শিশু-কিশোর বিজ্ঞান সমগ্র, আনোয়ারা বেগমের বিজ্ঞানের রহস্যময় যাদু। জাতীয় সাহিত্য প্রকাশ থেকে প্রকাশিত আইয়ুব হোসেনের জীবনী ও আবিষ্কার কাহিনীসমৃদ্ধ বই বিজ্ঞান চেতনার পথিকৃৎ পাওয়া যাচ্ছে ১১২ টাকায়। ছোটদের অন্যান্য বইয়ের মধ্যে পাওয়া যাচ্ছে অর্কিড থেকে প্রকাশিত সাইফ ইসলাম দিলালের সেরা বিজ্ঞানীদের সেরা আবিষ্কার, মূল্য ১৪০ টাকা; মানচিত্র মেলার বই লতিফ বকশী সবুজের জানা অজানা, মূল্য ১৬০ টাকা; তৃতীয় ধারা থেকে প্রকাশিত ড. আবুল হায়াত ইসমাইলের বিচিত্র জীবজন্তু বিচিত্র জীবন, মূল্য ১৭৫ টাকা; কথামেলা প্রকাশন থেকে প্রকাশিত মোস্তাক আহমদের বিচিত্র বিজ্ঞান, মূল্য ৮০ টাকা; প্রান্ত প্রকাশন থেকে প্রকাশিত বুলবুল আহমেদের সেরা বিজ্ঞানীর সেরা আবিষ্কার। এ ছাড়া আছে সত্য প্রকাশের সেরা বিজ্ঞানীর আবিষ্কার, জনতা প্রকাশের ছোটদের জ্ঞান বিজ্ঞান, আফরোজা আখতার মুন্সীর ম্যাজিকে ম্যাজিকে বিজ্ঞান, এনায়েত রসুলের বিজ্ঞানীদের জীবন ও আবিষ্কার, বইপত্রের গল্প শোনা আবিষ্কার-এর মতো অসংখ্য ছোটদের বিজ্ঞানের বই। এসব বইয়ে বিজ্ঞানের কিছু মজার বিষয়, বিজ্ঞানীদের জীবনী ও আবিষ্কার এবং নানাবিধ মজার বিজ্ঞান প্রকল্প থাকে। বিজ্ঞান একাডেমি থেকে প্রকাশিত বিজ্ঞানবিষয়ক তিনটি সিরিজ এবারের বইমেলায় বেশ আলোচিত হচ্ছে। সিরিজগুলো হচ্ছে ১৯ খণ্ডের খুদে বিজ্ঞানী সিরিজ, ১১ খণ্ডের বৈজ্ঞানিক আবিষ্কার সিরিজ এবং ১০ খণ্ডের ছোটদের বিজ্ঞান পিডিয়া সিরিজ। বইমেলায় ত্রাসকৃত মূল্যে এই সিরিজগুলো পাওয়া যাচ্ছে যথাক্রমে এক হাজার ৩৮৩, ৫৩৯ ও ৯১০ টাকায়। তবে এবারের বইমেলায় সব আলোচনা কেন্দ্রীভূত ড. মুহম্মদ জাফর ইকবালের বই একটুখানি বিজ্ঞান-এ। বইটিতে বিজ্ঞানের বেশ কিছু বিষয় খুব সুন্দর করে সহজভাবে উপস্থাপন করেছেন লেখক। কাকলী প্রকাশনী থেকে প্রকাশিত এ বইটি মেলায় পাওয়া যাচ্ছে ২১০

টাকায়। মহাকাশ নিয়েও বের হয়েছে বেশ কয়েকটি বই। সময় প্রকাশন থেকে প্রকাশিত জাকারিয়া সুপনের মহাকাশবিষয়ক বইটির দিকেও ক্রেতাদের বেশ আগ্রহ আছে। এ ছাড়া মেলায় আছে কাকলী প্রকাশনী থেকে প্রকাশিত মুসাররাত জাহান শেতার আকাশ মহাকাশ ও নভোযান, একুশে বাংলা থেকে প্রকাশিত মহিউদ্দিন আহমদের গল্প নয় সত্যি, তরফদার প্রকাশনী থেকে প্রকাশিত সৌরজগৎ-এর মতো বেশ কিছু বই। মানুষের উদ্ভব, জীবনরহস্য ও জিনতত্ত্ব নিয়েও কিছু বই পাওয়া যাচ্ছে বইমেলায়। আছে ঘাস, নদী, ফুল থেকে প্রকাশিত নাসিম সাহনিকের বই মানুষের জিন মানুষের মন, অবসর থেকে প্রকাশিত অভিজিৎ রায় ও ফরিদ আহমেদের মহাবিশ্বে প্রাণ ও বুদ্ধিমত্তার খোঁজে, বন্যা আহমেদের বিবর্তনের পথ ধরে, রুশো তাহেরের বিগব্যাঙ থেকে মানুষ এবং সময় থেকে প্রকাশিত ড. এম হাসান শহীদেদার এলিয়েন সম্ভাবনা ও সন্ধান। আছে আবির বুক থেকে প্রকাশিত ভবেশ রায়ের কোয়ান্টাম থিয়োরি, হাতেখড়ির বই অধ্যাপক নারায়ণ চন্দ্র বসাকের তত্ত্বীয়, বেসিক বিজ্ঞান কিংবা পরমাণুর কথার মতো মৌলিক বিজ্ঞানের বইও।

এ ছাড়া আগামী প্রকাশন থেকে প্রকাশিত ড. আলী আসগরের বিজ্ঞান ও সমাজ-এর মতো বেশ কিছু বিজ্ঞান চিন্তা ও গবেষণামূলক বইও পাওয়া যাচ্ছে এবারের একুশে বইমেলায়।

Source : http://www.prothom-alo.org/archive/news_details_fcat.php?dt=2007-02-18&issue_id=167&cat_id=&nid=NTE4MQ==&fid=Nw==